



KOMUNIKADO DI PRENSA

Willemstad, 25 di mart 2021

SUBIDA DI PREISNAN INTERNASHONAL TA KONDUSI NA OUMENTO DI TARIFA DI ENERGIA

WILLEMSTAD – Entrante djamars 30 di mart 2021 e tarifa regulá di gasolin i diesel lo subi na Kòrsou. E tarifa di elektrisidat i awa tambe lo subi entrante djaweps 1 di april 2021. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.


Subida internashonal di kotisashon di zeta i kombustibel

Manera BT&P a anunsiá anteriormente, tin papiá for di novèmber 2020 ku tin un subida di kotisashon internashonal kontínuo i fuerte tantu pa petrólio komo kombustibel refiná.


Den e gráfiko aki banda ta ilustrá e desaroyo, ku ta mustra oumentonan di kasi 55-75% for di novèmber 2020.

E desaroyonan akí tin subidanán internashonal di tarifanan di kombustibel komo konsekuensha. Na Kòrsou tambe e oumentonan akí ta kondusí na subida di tarifa pa kombustibel i utilidatnan pa e próximo luna(nan)

De ontwikkeling van de internationale (WTI) olieprijs (november 2020- maart 2021)



De ontwikkeling van de brandstofprijzen (Platts) (november 2020- maart 2021)



Káalkulo tarifa produktonan kombustibel

E káalkulo di tarifa pa Mogas 95, Gasoil LSD, LPG 20 i LPG 100 konosé e komponentenan 1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntas ku e tarifa pa benta por detal (na usuario final) ta inkluí tur komponente.



Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e kombustibel disponibel na stòk na final di luna pasá. Pues: e preisnan di kompra ku ta keda mantené pa e luna di aprel 2021 en prinsipio ta basá riba e kombustibel disponibel ku tin na stòk pa fin di febrüari 2021. Den kaso ku e informashon di Curoil suministrá tokante di e lokual tin na stòk no ta alkansabel, lo sali for di e kotisashon internashonal mas resien. E kompra di Curoil ta wòrdu evaluá pa e kotisashon internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

E tarifanan pa usuario final pa Mogas 95 i gasoil LSD ta subi na aprel 2021 prinsipalmente dor di un oumento supstanshal di e preisnan di kompra. Esaki ta resultado di e desaroyo menshoná ariba den e imágen di e preisnan di krudo i kombustibel internashonal.

Kálkulo tarifa awa i koriente

E kálkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes. Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di aprel 2021. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di febrüari 2021.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E tarifa pa awa i elektrisidat ta subi prinsipalmente pa motibu di e preisnan di kombustibel haltu pa produkshon di elektrisidat respektivamente preisnan di elektrisidat haltu pa produkshon di awa.

Aprobashon i fihamentu

BT&P ta asesará Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan.



Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.